

## Université de Corse : rencontre littéraire avec Battì le 30 septembre

Le CCU et l'Université Inter-Âges organisent une rencontre littéraire avec Battì, mercredi 30 septembre à 18h30, à Corte, Campus Mariani, au rez-de-chaussée du Spaziu Natale Luciani.

Battì o Santu Carlu Battista Manfruelli hè appassionatu di maghjine da ch'ellu hè zitellu. Scopre à Grossu Minutu à casu un ghjornu ind'è u giornale « le Provençal » di u babbu è tira avanti... Ùn farà puru studii d'arte ma d'inglese ch'ellu insegna oghje. I primi « cartoons » di Battì sò publicati in a stampa isulana in u 1975. Artistu indiatu è attore di u movimentu culturale di l'anni 70 sparte dinù un tempu a scena cun Canta u Populu Corsu.

Battì a li prova ind'è e forme figurative e più diverse : Stucci di dischi, affissi, stampa... A dà a parolla à i so persunagi hè ellu. Ci hè risa, macagna, derisione ind'è u mondu di Battì chì si sciacca l'attualità in quattru è trè sette cù a so mina. Oramai cunnisciutu for di Corsica ind'è u mondu di u disegnu di stampa , Battì partecipeghja ogni annu à parechji festivali .

Cù l'amichi tavaninchi mette in piazza u festival « Cartoons in Tavagna » in u 1999 di parù à quellu di musica « settembrinu di Tavagna » (1993)

Battì hè l'autore di cinque libri :

Pagine bianche è nere : 1990/Albiana

U setta bellu : 1995/Albiana

Siècles : 2000/Neo

Corsicartoons : 2002/ Neo

Reflexions : disegni di quì è d'altrò 2009/Neo, Stamparia Sammarcelli

L'artistu hà dinù scultatu qualchì persunagiu : Grossu minutu, Nasone, Cartoons in Tavagna.